

秦興縣續志

補下



泰興縣志補卷五上

人物志第五之一

選舉表

宋薦辟二人

嚴起保義郎閤門祗候繫年要錄

蔡濟承信郎康熙志選舉表

按宋史儒林程迥傳有訓武郎楊大烈是否由薦辟無

可徵考

元薦辟二人

蔡濟泰興尹泰州監使草莽私乘虞集蔡孝子詩序

泰興縣志補卷五上

一

蔡宗彝仕至總管張氏家乘宋拯蔡宜人墓志按此疑與蔡夢祥為一人說詳縣志校篇

清科貢表

歲貢一人

康熙五十七年戊戌戴樹蘭訓導以徵訪稿按縣志以下例貢附入存疑

訪稿稱其後人陳請改正其他類此者尚多不備例

勳階表

應例一人

乾隆朝吳岡湖州吏目武生

武選表

材勇五人

嘉慶朝徐兆字榮兆 營千總

道光朝黃越字襟三 衛千總 錢模字楷堂 衛千總 錢承璐字秀水 衛千總

咸豐朝黃家珣字美東 守禦千總

附錄

清人瑞一人

徐日榮年百歲按縣志於人瑞壽婦皆附見建置志名蹟篇恩例坊下今移入後壽婦放此

宋元明人列傳

縣志原有者十八人

元蔡濟本徽州人父昊受宋命為揚州路總管按此非宋官名譜必

有誤當元兵之衝要為浙福之藩籬有功封永寧侯濟始遷

泰興縣志補卷五上

居泰興蔡氏族譜 咸淳中原作咸熙誤 有司委鎮馬馱沙以破海寇

功授承信郎萬麻志選舉表注 元兵渡江率泰興江陰之民迎河

南張宏綱軍即武定公軍說詳縣志校篇 後有戰功歷官泰興尹泰州

監使草莽私乘虞集蔡孝子詩序元文類

蔡夢祥濟子以宣命為河南投下管民總管性至孝父歿廬墓三年刻木象事之母歿亦然郡縣驚異有司上其事

朝廷再表其門曰蔡孝子之門草莽私乘虞集蔡孝子詩序元文類

明李儼字民瞻舉元至正四年鄉試洪武元年選充通贊

官遷寶應衛知事轉都督府都事原作斷事誤 論輔治三計擢

刑部侍郎精勤通敏詳於推讞宣諭陝西還進本部尚書

後官終陝西行中書省參知政事

明一統志 萬曆志

儼本當塗人

娶泰興朱氏生子三珪璽琳既卒官珪等自陝以骨櫬歸

依舊氏而葬於姜溪之原

李氏族譜 王溥序

朱觀字德顯

縣志 避作容

明初以才行舉薦為臨江守時陳友

諒據南昌旁郡騷動觀力撫綏之

江陰縣志

翟善字敬夫洪武中由歲貢入國子監授吏部文選司主

事二十六年歷本司員外郎會尚書詹徽侍郎傅友文誅

命善署部事善於職稱帝旨特陞吏部侍郎仍署尚書事

過庭訓本朝分省人物考 明史本傳

善始倣唐六典自五府六部都察院

以下諸司設官分職之制編集為書曰諸司職掌詔刻行

泰興縣志補卷五上

頒布中外

本朝分省人物考 明史陳修傳

五月定吏役考滿給由法以

為司衛府縣首領十月詔祭酒胡季安選監生年三十以

上能文章者三百四十人命善除授州縣官及學正教諭

二十八年實授吏部尚書善明於經術奏對合帝意帝曰

善朕之良佐何患天下不治者帝欲命工部為善營第於

鄉善曰江鄉地隘宗親且眾誠不忍奪人自益況未報涓

埃何敢當此上語羣臣曰有官居鼎鼐無地起樓臺善與

寇準同風矣

本朝分省人物考 本傳

坐法當刑父為陳乞降宣化知

縣以終

明史稿 按張謇所撰善裔孫伯恒墓表云 善卒諡文德未知何出或是據翟氏家譜與

茅大芳名誦以字行

明史本傳

為人敦大和雅不諂不亢博學

哉

能詩文

名山藏臣林外紀
明史稿

負奇氣謁孟廟詩有千古難忘義

利關之句父友嘉興陳堯道以詩贈之頗極推許

鄭曉如學編

蓋所云計爾生年今二十每懷聰慧舊無如陸機此日能

為賦賈誼何年復獻書者也

本朝分省人物考
參芳遜國正氣紀

曹洪武

中為淮南學官召對稱旨擢秦府長史制詞以董仲舒為

言

本朝分省人物考
本傳

大芳益奮激懼無以稱主知諫諍彌綸得

大臣體未踰年秦國稱治因大書其堂曰希董以彰帝訓

且著其志其於正誼明道之言深有得焉

方孝孺遜志齋集
希董堂記

本朝分省人物考
明史稿

建文初遷副都御史成祖即位坐姦黨不

屈與其子順童道壽皆死永樂四年幼子文生亦坐誅二

泰興縣志補卷五上

四

孫添孫歸孫斃獄中

名山藏
本朝分省人物考
朱國楨遜國臣傳

妻張没入教坊死

屠叔方建文朝野彙編
引教坊錄
朱彝尊明詩綜引袁聚奉天刑賞錄

後贈左都御史謚忠愍正德末祀於縣

吾學編
國臣傳
遜

張政字公中宋孝子本真五世孫正統間歲凶政出粟一

千一百石振飢詔旌其門勞以羊酒免差徭三年政嘗在

途拾得布袱一內有銀錢松江三梭布乃醉人所遺也立

馬道旁俟之少頃其人哭泣而來問之對無差遂還之去

張氏家乘王涑張
公中處士墓志銘

張城字世連號西莊琳弟舉景泰庚午鄉試天順辛巳選

授中書舍人

楊廷撰五山耆舊前集

勤於職務嘗率同列上疏謂中

書職清地密近時入者非一途宜別異其陞進上然之遂

為令張氏家乘商輅張城墓志銘初城丁父喪哀毀骨立

五山耆舊前集與其兄琳友愛尤篤城既官京師琳遠道來視聚

處逾月歸未抵家卒城聞訃哭幾絕商輅墓志嘗充會試經房

考官舉人戴正卒於棘闈城為具棺斂御史吳彥明卒助

貲歸其喪門生沈清早喪父館之於家俾教生徒以養母

張氏家乘彭時張城墓表成化元年簡文學士使朝鮮選

充副使賜金織一品襲衣挾畫工而東徙境則圖觸景則

詠長篇短章還即其圖而書之往來得二軸楊廷撰一經堂詩話城

博究羣籍為古文學班馬詩宗鮑謝字法羲獻旁及軒岐

泰興縣志補卷五上

之書皆搜討無遺彭時墓表

張羽字鵬舉號東田父黼自有傳羽天性澹靜峭直為詩

規摩盛唐不落纖巧之習四庫全書總提要登弘治丙辰進士知

涇安仁愛好教化以寬平稱良東田遺稿卷首儲洵序引鐵翁去思碑語鐵翁即胡

拱辰遭喪歸縣人尚書胡拱辰為立石起知寧海行取御史

張氏家乘張聽伯兄墓志授江西道監察御史按聽墓志但云擢御史此句據東田遺稿補

疏劾劉瑾罪狀疏見東田遺稿已載縣志直聲震朝廷康熙巡按雲南

所部故有銀場中官採取久為民害羽奏罷之而中官張

倫復力爭戶部尚書孫交持之竟如羽議明外史兩張羽傳會地

震上疏言時弊疏見東田遺稿亦載縣志又疏論開礦及取料絲燈數

宰

事詞意壯烈台閣偉之有中貴怙勢殃民羽痛加裁抑安

寧州為時宰故里

按時宰謂楊一清

其宗人犯法撻而置之於理

出知保定府保定多中貴時宰意蓋借手中傷也羽單騎

赴郡治不三月權豪斂迹母病連章乞歸日侍湯藥者二

年遂精醫理服闋起知邵武累官河南布政使藩司例積

羨充公私費羽歎曰正供且不堪況取其餘乎吾三十年

之節為諧俗計邪乞休不報再疏言臣才性拙劣與時多

忤況朝廷以廉退用臣臣敢不以名節自愛冢宰為請乃

許之歸

張聽墓志

羽歷任三十餘載略無餘財年逾七十為其

子楷采楨區分田宅猶以先世宿逋金三百有奇手書令

泰興縣志補卷五上

分償焉羽自以世承宦業清白相傳遺訓教子孫勉為孝

義云

東田遺稿

張聽字鵠舉號南溪黼第六子羽弟也

張聽兄東田墓志

幼即穎

敏有異質往往出語奇絕驚人稍長勵志力學不以寒暑

少閒必丙夜乃罷為文根極理要恥作尋常語每構思則

對齋前古柳以指畫之既久樹膚盡裂

本朝分省人物考

登正德

甲戌進士授戶部主事改禮部

萬麻志篇已缺而

按萬麻志人物

皆舊志原文也

武宗南巡聽上疏力爭

疏見五山耆舊前集所引張聽南溪奏議已載縣志

詔予杖

萬麻志

世宗初擢禮部郎中

按康熙嘉慶兩志作戶部縣志作逕改作兵部

伏闕爭大禮再予杖

明史何春孟傳

轉兵部郎中張聰桂萼欲

傾宰輔費宏奪其位乃屬胡士紳訐主客郎中陳九川盜
天方國貢玉饋宏製帶辭連聽下詔獄明史夏良勝傳 萬潮等附傳 謫

饒平丞其地即唐之潮陽也歎曰昔韓文公以直諫貶斯

地予何幸踵其後邪隻身遽往至則創立書院選士之可

教者羣聚其中日為課業一時遠近風動負笈從游輕數

百里而至厥後以科第顯者數人遷知海鹽輕徭薄稅興

利除害民思之不忘本朝分省人物考 祀名宦祠五山耆舊前集 提學湖

廣頒條章飾教典務以崇尚德行釐正文體士風為之不

變其所識拔皆知名士累遷陝西參政陝人為立生祠者

三擢河南布政使先是聽兄羽嘗為是官聽既至凡一切

例規悉從謝絕一如羽之舊政洛中有一世兩清之稱士

論榮之他如酌處藩祿懾服強宗又其最著稱者遷都察

院右副都御史巡撫延綏榆林等處榆林孤懸塞外於九

邊獨稱難守聽至條上十餘事帝嘉納之箸為令邊人兩

入兩捷之捷聞降勅褒獎加兵部右侍郎久之嬰疾再疏

乞休本朝分省人物考 推南京戶部右侍郎未任既往王世貞奔山堂別集

卿貳表 角巾野服笑傲山水怡情觴詠日與二三朋舊過從

暇則課諸子弟以經史其他不復問凡族之貧不能婚葬

及鄉鄰來告匱乏者輒蠲俸餘助之不少吝惜卒年七十

七本朝分省人物考

張京元字思德別字無始

按嘉慶志作字中山宮偉

孫也萬厯甲辰進士官至江西提學副使

縣志又作鍾山聽曾

節僅能重錄縣志

善書法兼顏米兩家而成嘗構樓居顏曰問天

庭聞州世說

有狂傲名

李清三餘述

與同里朱一馮何南金號三才

子一經堂詩話

何棐字輔之號篤齋弘治壬戌進士知浦城行取御史

山五

耆舊前集

正德中洪鐘彭澤先後征蜀棐監其軍亂賊陳廖等

騷亂漢中為患數載棐親往賊中諭散二萬餘人調廣西

副使定獐猺之亂

一經堂詩話

叙功遷太僕少卿調九江副使

致仕

五山耆舊前集

訓兄子璿成進士政績行誼無愧古人

萬厯志

泰興縣志補卷五上

何棠字愛之棐從兄正德辛未進士授禮部祠祭司主事

誠篤清勤聲望熒然尚書毛澄雅重之

按張聽行狀原作少傳三江毛公考

明史知為毛澄

轉員外郎同諸司諫南巡杖闕下者百四十人多

顛仆不能起棠獨毅然行歸私邸道路爭擁觀之出知廣

平府時乘輿數出助辦甚嚴棠曰廣平地不足當他縣之

半民力豈堪重弊某知守經以濟吾民而已請於當道難

之棠持益堅卒如棠言

張聽行狀

世宗即位追錄諫臣加從三

品俸以疾歸逾月卒廣平人赴弔泰興者甚眾

萬厯志何氏家乘

張聽何公愛之行狀按狀云廣平府太守何君諱棠字

祖濟以義發粟詔旌其閭祖額質直恬遜鄉稱長者考東

業

宰

他

積

給例授散官階文林郎配盧氏子二人長曰林次即君
 童時已斲然頭角不伍羣兒東臯公為延浙東李進士承
 之於家塾太羣族之良子弟鄉進士之砥礪為多正德未
 京兆仕雖其世澤公春而高既子之翁為多正德未
 當上春官念東舉汝登第吾戒且止翁察其意謂曰汝
 以束老不欲行邪進士登第怡然目矣君重違其意
 乃幾絕走京師舉進士登第怡然目矣君重違其意
 毀宰儲文懿公誌其墓凡喪祭大事一於禮而不苟祭
 少宰儲文懿公誌其墓凡喪祭大事一於禮而不苟祭
 主事君本以誠篤而將之考勤政務克舉聲望禮部祠
 傳三君毛公雅重署其考勤政務克舉聲望禮部祠
 安人尋轉膳部員外郎盡職上得贈東臯翁如官妣為
 春銳意南巡諸司以外諫止獲罪杖闕下者百四十人
 顛仆瀕死不能起者十之君獨毅然不為所苦為一
 時道路觀者識別茲固忠憤激烈亦其氣有以將之也
 庚辰再考書最當道者廉其才薦守廣平為畿輔近地
 瘠民貧且介於河間大名之間於乘輿往來助辦甚嚴
 君自誓曰廣平之地不足當所郡之半而所需已他非
 之等是豈民力所能堪乎某知守經以濟吾民而已非

泰興縣志補卷五上

九

所恤也總力疲矣今上即位持益堅既而卒得如志民
 寬而君之疲矣今上即位持益堅既而卒得如志民
 從三品俸一月而郡民已感然若失慈母之愛即上章解
 能事者半道勉留士民與京師之紳亦莫不嗟悼君
 印綬歸雖當道平士民與京師之紳亦莫不嗟悼君
 人土莫不嗟悼廣平士民與京師之紳亦莫不嗟悼君
 性頗直遂心實良易與人甚款曲而善惡之情則
 不以始終表裏間未第時兄子珊從受舉業君處之過
 於嚴師及方為諸生公乃出疾則恩如慈父東臯翁卒
 度母弟不為皎皎之行而
 其質近厚者如此下略
 事之近厚者如此下略

何南金字許卿號麗泉 五山耆 年十六補諸生縣令舒曰

敬負人倫鑒以國士待之 詩一經堂 為古文模放六朝律詩

學杜登萬麻丁未進士後知莆田一年卒官縣人巷哭 何氏

家乘朱一馮 何麗泉墓志

封源潔字一清號益齋選貢授許州判官遷知滎澤改河陰縣濱大河北多劇盜源潔每捕鞫得情哀矜盜為感化瀕河游惰羣聚伺商舶過索酒食錢米黠商以劫盜訴台省下源潔訊治皆年少無賴子笞而呼其父兄立狀領歸卒為良民甲乙兩童子相狎甲搏乙斃源潔問兩家皆一子令甲父具百金畀乙父娶婦圖再育兩家叩首服後乙父生二子以疾告歸去官日兩家各挈其子涕泣追送數百里鄭屬諸縣皆勒石建祠圖像尸祝崇祀名宦既卒有匍匐數千里來哭弔者

封氏族譜何南金封公益齋暨二孺人合葬墓志

源潔未

仕時巡按御史表其門曰孝行既歸田益勵清操敦孝誼

泰興縣志補卷五上

十

布衣蔬食處之澹然

封氏家譜王穉登傳此傳不載釋登百穀集

按

李承式字敬甫號見衡

五山耆舊前集

大同籍

國子監明進士題名碑錄

明初

有名信者官忻州同知留居雲中傳至承式始曰父英宜

南徙未行父歿承式以江都邇泰興遂家焉

李維楨大泌山人集李方

伯家傳

登嘉靖丙辰進士初知錢塘膺循良薦幾四十餘牘

以執法忤齷使者調深澤擊姦惡吏陳光宙遠近稱神擢兵部武選司主事上封事八款俱得旨施行以郎中出為陝西副使累遷福建布政使乞休致仕後惟負郭田數頃

供饘粥明農課讀足不一履城市

五山耆舊前集

李植字汝培承式子

五山耆舊前集

大同籍

國子監明進士題名碑錄

萬厯丁

吉

丑進士選庶吉士授御史時張居正卒馮保猶用事帝雅
銜居正保未有以發植劾保十二大罪明史本末並極論徐爵

與保挾詐通姦狀帝執保禁中逮爵詔獄謫保居南京盡

籍其家明史張居正傳植由是受帝知巡按畿輔請寬居正所定

百官乘驛之禁從之帝追讐居正甚以植能發其姦欲驟

貴之植會劾尚書潘季馴朋黨姦逆誣上欺君季馴坐削

帝遂手詔吏部擢植太僕少卿植頗引吳中行趙用賢沈

思孝為重執政方忌用賢且心害植寵累疏劾植植求去

不許言者猶不已本傳植又負氣與閣部相搆不休遂降戶

部員外郎國權未幾疏爭大峪山壽宮不及忤旨調外知綏

德州旋引疾歸居十年起知沅州本傳擢光祿卿封貢議起

植疏劾首輔樞臣罪在辱國王猷定四照堂集李母王太夫人壽序巡撫遼

東植墾土積粟得田四萬畝歲獲糧萬石戶部縣志作兵部誤推

其法九邊本傳時倭棄釜山遁植請因師旋選主客銳卒驅

除宿寇恢復舊遼陽詔下總督諸臣詳議不果行明史稿又

嘗力爭馬市木市之議遼帥李成梁方驕貴子孫僮僕持

斧鉞領方鎮備宿衛者十輩植劾其部曲侵牟軍實又糾

中璫高淮權遼稅殘暴狀王猷定壽序請召還不報後淮激變

委阻撓狀於植植疏辨乞休帝慰留之錦義失事巡按御

史王業弘疏劾諸將及植解官聽勘己命家居聽用竟不

罪

召卒贈兵部右侍郎

一本傳按本朝分省人物考卷三十

植里貫仕履以下殘缺不可考

朱述字以賢景七世孫縣學生與戚黨戴友善約為婚姻

戴卒子方孩抱人欲聘述女述曰吾有成盟於戴矣其何

能寒女兄弟二述待之如兄弟其家貧衣食於述終其身

朱氏宗譜葉向高明橋朱公墓志按此志不載向高蒼霞草及續編

朱一馮字非二以生時夢馮當世至故一字明京

庭閩州世說

述子萬麻戊戌進士歷官福建巡撫

五山耆舊前集朱氏宗譜載周吉閩按

功摘略歷叙一馮在閩戰功甚著周文已載縣志

先是舊撫朱欽相聽總兵俞咨

臯言收海賊楊祿楊策以為用至是一馮嚴檄祿策等皆

泰興縣志補卷五上

遁去乃疏劾咨臯咨臯與閹黨吳涑夫為兒女姻以是忤

涑安不安其位

國權

遂罷職朝議咨臯罪當誅帝欲併罪一

馮閣臣錢龍錫爭之曰一馮所駐遠非棄城比乃免

明史錢龍

錫傳

縣志原無者十四人

宋嚴起建炎三年金兵犯城起率軍民拒之賴以免者甚

眾詔授保義郎閤門祇候

繫年要錄

張本真字天爵本河南張載後遭亂南渡遂居泰興鄉人

稱之曰隆興橋張氏

張氏家乘桂簡譜序

性至孝出入起居必告家

庭之間未嘗聞有大聲始本真幼時病疫流行父亦感疾

本真憂疑失色日則延醫調治夜焚香告天求以身代遂

愈越數年父以陳言得罪於官被執本真哀訴求釋頓首

流血官為釋其父由是鄉人化之咸稱之曰張孝子

張氏家乘

桂簡張君本真家傳

因名之隆興橋所居之坊為大孝里

張氏家乘

例言本真隨其祖禰南遷考大孝里既稱在泰興之隆興橋則鄉人咸稱之孝子云云此鄉人自當屬之泰興也又按李兆洛養一文集樹香張君墓志云君諱燕譽先世汴人宋南渡時孝子本真始從父遷揚州之泰興據此亦可證孝子之父實已著籍泰興矣

明蘇寧

縣志寧名武選表

以克蘇州功洪武三十五年授百戶傳

九世至國泰

乾隆通志

朱安七字德剛觀弟洪武末以才德薦為秦府紀善建文

泰興縣志補卷五上

時靖難師起與都御史茅大芳山東布政使鐵鉉同誓師

遏之成祖即位戮諸不用命者遂縲絏以死

靖江縣志

朱潤身

縣志潤身名見選舉表

字海峯嘉靖壬戌進士授吏部考功

主事遷雲南僉事土酋鳳繼祖執張僉事以叛潤身與巡

按御史謀用閒諜募死士指示方略繼祖授首告病歸

江寧

縣志

張起初遭寇亂與母相失起日夜悲泣行求四方三十年

遇於濟寧奉以歸

乾隆一統志

張忠

縣志忠名附見子城傳

字公良政弟以貢生入國子監累官工

部員外郎擢饒州知府

五山耆舊前集引延令文獻考

河決滄州朝命以

不

字

蒙

甲子

庸

鄉

忠往治經旬工成民在知勞在饒州政尚簡靜以老乞歸

張氏家乘呂原知
饒州張公墓志

張琳縣志琳名附宋世琛號質庵忠長子年十歲有訟其

世父於官者從行百里庭質得直人皆奇之事父母至孝

待弟城尤友愛教之讀書資遣入太學城喪子琳以其季

子齏後之更取鄉名家女為城置筵焉城官中書十年琳

走京師視之及歸道卒張氏家乘張城故兄質庵行實狀云兄秉資豐厚賦性明敏甫十歲

伯父被訟即能涉百里以供其事且能與訟者辨曲直人

皆奇之家居樵隱先生居太學兄隨侍之習毛氏詩時太

學指顧宗周京以畫鳴高禮以算法鳴而家君出贊司馬適

其業不義之變遂析祖居為四而兄與城實有其一城幼

無能於家事悉兄任之因盡廢所學焉自是雖日靡家事

泰興縣志補卷五上

然而手不釋卷凡諸子百家之書一得看之必遍務了大	義而後已惟通鑑一書尤為注意嘗語曰史萬古之傳	信者也善惡之事古人必不欺後世且先儒論斷斧鉞華	袞讀之凜然若身與我輩老林尚不能忘情汝入仕	路當常目在茲且喜吟詠能填古詞曲交游札箴規之	意甚至甲子正統先妣恭人卒兄極力營葬事罔不禮	家君遂陞工部員外郎七年衣承家君命習舉子業	而至官寓所需家君未嘗用心幼承家君命習舉子業	身弱性魯久無所得家君在朝先妣復沒託進於鄉校者	五年兄因城孱弱常語嫂曰秀才飲食不能多進食汝必	躬視之寒不可以待之踰時暮不歸之既室就此心不置	一飯不領薦兄喜而忘寐及屢苦也榜城不自咎未乙	午城幸領之曰通塞有雨卒於家又營葬具甚備至陰	愠色兄解之曰通塞有雨卒於家又營葬具甚備至陰	亥歲家君致饒州知府事無自也但盡其在己而己乙	五日葬附先妣墓連日存活念四日夜風適西至	勢不可止晝夜哀號不存活念四日夜風適西至	黎明雨雪頓止喪儀甫列雪雲不留祖送而	來觀者若市莫不駭愕既葬不一鼓雨雪交作如昨日	語城曰此必仁人孝子有以致之吾兄弟會逢其適耳
------------------------	-----------------------	------------------------	----------------------	-----------------------	-----------------------	----------------------	-----------------------	------------------------	------------------------	------------------------	-----------------------	-----------------------	-----------------------	-----------------------	---------------------	---------------------	-------------------	-----------------------	-----------------------

天順改元城來卒業太學資裝器具悉為之備又四年城
拜中書舍人兄來書慰曰中書古近侍好圖盡職勿厭清
淡也歲計之資父親在部屬我尚汝不必慮我當力
備也繼遣子黼來侍黼亦授詩從侍御姚公綬以季子
應天鄉試不與還侍兄於家城弟喪子後之禮也然
為後今年城四十有二兄歎曰弟無嗣吾子即禮也
終不可無骨血耳遂致書以禮諭城婦側室甚宜鄉
之感兄女娶之國史編修楊先生為文以美之先是書
城以無意也屢書求止兄復書曰十年不相見不勝思
且抵官舍相見甚歡與城兄弟交者皆以為今年五月望
日即欲南旋城懇留彌一月有半常自語曰吾不到京師
二十年其間世事萬有同此回又不知何日可再也故
凡京事未見者必求見未食者必求食未游者必
游覽焉城竊疑之但以其年漸高大不欲再來以此自解
也七月一日治裝而南城之相厚數君子遠見於德童
先痢疾作不可前臨別不覺失聲眾客亦有泣者於濟寧
州南門水次歸殯於堂痛惟兄天性孝友好施樂與直義

泰興縣志補卷五上

十五

而不私方而有禮鄉人貧病者有家則為之延醫無倚
則遷之於家以治之至今賴以生存尚數人與夫學校
之廢橋梁之傾而五佛宇之壞成全固之功居多此皆
歷歷可考者然而十有不能無可恨焉兄娶於潘
潘實宦族生子三長黼習舉子業娶宦族蔡宗文次黻
聘於戴季黼即後城者聘於何皆名家女此字原脫三
長在室次適成瑜李朝宗皆生員卒以成化丙戌十七
月二十二日距其生則永樂乙未七月二十日以後
一月而湮沒奈何痛苦萬狀不能為辭謹錄其概百善
泣投於太史府倘憫其哀而賜
銘以藏則存歿感恩無已也

張翹見縣志翹名附字鶚舉號前江黼第七子羽聽弟也聽張

兄東田墓志以歲貢官平越衛教授舊前集博文強識工詩文

精書法雅為海內鉅公所推重在官訓迪多士英賢濟濟

多行成名立者致仕林下日與所知為方外游以飲酒賦

詩為樂 一經堂詩話

何嵩 縣志嵩名附見 字與瞻祖濟 按縣志濟名附 字伯舟

嘗發粟振飢詔旌其閭 柴墟集何與東墓志 又 何氏家乘

繩之 父頤以富民籍京師念伯兄顥無子以嵩繼之嵩既

後顥乃稱頤為叔父云嵩幼嗜問學長而力農心常念頤

白顥請北省興化高穀以鄉里故與語奇之穀時在館閣

欲薦嵩可用力辭乃已越一年頤命之歸嵩泣曰吾父與

叔父相離久若得兄弟為樂嵩請代役使吾父得弟勝得

兒矣頤歸一歲卒嵩聞訃奔歸生母呂亦卒嵩雖限服制

而哀痛甚至時都御史王竑巡撫淮揚尚書王恕方為揚

泰興縣志補卷五上 十六

州郡守皆接禮嵩他日恕行縣遂造其廬嵩由是益重於

鄉及還京師吏部姚夔薦於朝授鴻臚寺序班九年遷主

簿以父喪去職喪祭如禮兄岳巒繼卒嵩積哀成疾久益

劇謂子樟曰吾兩兄皆未葬吾不可歸汝歸代吾事比得

樟報書乃歎曰吾願畢矣既又念母孫老上疏乞歸歸半

道聞孫已卒兼程抵家疾復作竟亦不起 匏翁家藏集何君墓志銘何

氏家乘李東陽何與瞻墓表

何樟 縣志樟名 字繩之性孝友少侍父嵩居京師事父母

朝夕親供甘旨從父岱官指揮卒於京為治喪扶櫬歸撫

從弟楷過於同胞父廣交游往來多名公卿樟日在父側

從請教焉由是問學大進補順天府學諸生舉成化庚子鄉試授南京應天府推官勤官善決獄以簡直不為時客左遷浙江都司斷事母憂不出遂不再仕家居十年足未嘗至公門雖鄉飲亦不往

何氏家乘何棐兄繩之行狀按狀云曾祖伯舟以尚義聞於

朝命旌表其門叔祖叔方以富民應召實京師遂籍焉父與瞻為鴻臚主籍贈如兄官母張氏封太安人兄自幼勤敏於學弱冠從先考司城公與峻習舉子業棐髫年兼領兄教後以隨父任游京師補順天府學弟子員與大宗伯白公鉞通政李公瓚同學友善相與麗澤而所積益厚鴻臚又善教交識滿朝凡士大夫過其門者往造其樓無不日飲及夕命兄日侍於左右或問難或試文請教類無虛留人皆以魁解期之成化庚子遂領鄉薦先是泰興脫科垂四十年而惟兄得一舉於京闈人皆視之若星然予考司城公不幸卒於京家累靡隨賴兄治喪扶櫬以歸無媿猶子不肖至今德之但禮闈累絀不果所志遂有就選吏部猶惜之選補南京應天府推官兄居官勤慎有為讞

泰興縣志補卷五上

獄詳明於時京兆尹韓公重府丞呂公常心皆敬愛之最為巡撫都憲彭公禮所推譽而事多辦原作辨焉弟以好修飾頗簡直為時所不容左遷為浙江都司斷事以母憂未就服終赴部時尚書李公進益嘗鴻臚而試教兄門雖鄉飲亦不往其志友游國學時聞鴻臚訃數千里奔喪至襄事一如禮事母朝夕甘旨二年而卒於正寢享年同胞正德癸酉患風疾猶輿杖行二年而卒於正寢享年五十九略與兄德於棐者恨未報也始述其行之大概以求立言焉

何 璽 縣志 璽名表 字敬軒太僕棐孫也父瑯家法嚴教以義

方 璽 自其為諸生以至入官兢兢自守一意持法推誠感

物皆出庭訓也 何氏家乘張京元處士何繼齋墓志 璽舉萬厯癸酉舉人授

安平知縣虜它河壞縣城南門璽修復之開水門培城址

及

增築外堤環堤植柳商鹽累民罌上言巡撫有六不便請

仍煎鹽巡撫令如鑿議他利民事甚多民祠祀之

深州風土記

張達一名達善又名九達善拳棒時靖江兵敗淮撫田仰

檄朱長源

原書作朱公子以應廷吉青燐屑考之知為長源

借達兵三千渡江而

來清兵放牛馬於兩石灣達率親信三十餘人登岸收之

伏發達與三十人無一脫者

江陰城守記按此即縣志所稱江陰死義不知姓名之

三十人也

李皜縣學生從閻應元守江陰城陷死之

查繼佐魯春秋

同時有

戴姓兄弟佚其名北兵入境與朱長源共起糾集灘兵抗

命抵拒事敗就死長源不知所終

長源縣學生為閩撫朱馮之第三子高傑籍

泰興縣志補卷五上

十八

沒一馮家產羈管社學嚴寒追比櫟墮其指二戴姓死義

後長源不知所終以上並見青燐屑按朱氏宗譜一馮第

三子永慶字長源明縣學生員清正紅旗生員是長源已

隸漢軍籍矣李桓耆獻類徵卓行門引汪有典朱長源傳

云朱永慶字長源大興縣諸生父之馮撫宣府殉難乙酉

夏豫王下江南郡縣推長源起兵敗被執隸正黃旗儼

居宣府人姜納吾家毗陵楊掌科某死於難夫人華墮德

姬院烏王金王以賜長源居之別室寓書其家人來因

聞於王資遣之還李氏又據安陽楊氏宗譜謂楊掌科名

兆升其妻諸夫人非華氏其為長源所拯者乃楊之側室

姚氏以證汪傳之傳訛而汪傳之泰興為大興朱一馮

為朱之馮則未之糾集也長源此舉自卓然可傳因附著

於是篇以存軼聞而章義行焉

泰興縣志補卷五下

國初以來見舊志者列傳

縣志原有者九人

清季開生字天中順治己丑進士選翰林改禮科給事中

季開生出關草徐乾學題辭按康熙志作兵科 疏言朝使買女揚州小民無知

驚駭必將有嫁娶非時骨肉拆離之慘乞速收回成命詔

斥其妄捏謫戍尚陽堡順治朝東華錄李桓耆獻類徵 然買女

事自是停罷江淮南北之民陰受其福而不知也出關草憚格題

辭 慈谿姜宸英稱開生為本朝諫臣第一阮元廣陵詩事 初抵獄

猶論詩三百篇離騷漢魏升降掀髯而談無愁慘之色出關

泰興縣志補卷五下

草徐乾學題辭 出塞時朋舊送者流涕開生慷慨就道唯言及母

夫人一失聲施閏章愚山詩集贈季滄同年詩注 宣城施閏章餘姚嚴沆

等歌詩贈之沈德潛國朝詩別裁集 國史院檢討富平朱廷璟以他

事不預祖道語及輒泫然曰吾負斯人李因篤壽祺堂集朱廷璟墓志按

此志亦見錢儀吉碑傳集 凡五年卒於遷所年三十有三一經堂詩話 世祖

追念舊臣詔開生建言原從朕躬起見許復原官歸骸骨

仍蔭一子入監讀書東華錄測海耆獻類徵

季振宜字詵兮號滄葦開生弟也登順治丁亥進士知蘭

谿楊廷撰五山耆舊今集 時明遺老宣城沈壽民變姓名竄隱金華

山中振宜以百金餉之王豫種竹軒文集與吳尺鳧書按愚山詩集贈振宜詩巖穴有遺

民惠好肯折節注謂物色沈徵君及饒遺杜茶村孫豹人是振宜於沈壽民外尚有饒金黃崗杜濬三原孫枝蔚事也
歷官御史有氣略屢劾權要多所建白五山耆舊今集大學士

劉正宗秉銓政專擅欺罔吏部尚書黃廷機巧飾朦混尚書馬希納侍郎岳思泰等循情袒庇振宜先後列狀糾劾

察議得實詔正宗免死革職黃廷機等懲戒有差順治朝東華錄

會編修陳志紀疏論山東巡撫周有德辭連振宜上御左

翼門親鞫未及指振宜名振宜歷階而上侃侃自陳遂得

免議碑傳集喬萊鄒給事之璜傳巡按山西鹽課彈章數十上以風節

著王豫江蘇詩徵按振宜有請免揚州屬縣河工科派疏見康熙志藝文篇已載縣志好讀書百

家經史詩古文辭皆手自勘校五山耆舊今集所藏宋元版書精

泰興縣志補卷五下

本及影宋鈔本書富備甲於天下廣陵詩事耆獻類徵

季舜有字天選亦開生弟順治丁酉鄉試副貢考授弘文

院誥勅撰文中書遷南寧同知以廉能稱復補嘉興康熙志

發姦摘伏積弊盡革所決多疑獄人奉為神明浙江嘉興府志後

嘉興士民請祀名宦祠季氏族譜嘉興士民申請狀

張茂枝字因元號芝園羽五世孫父鳴謙夢羽冠帶入室

而生生而穎異十歲能屬文性孝友嗜學宅後有小園屋

數椽兄弟誦讀其中刻勵切劘母疾長跪膝前不去及歿

哀毀骨立典鬻治喪不以累兩弟後十餘年父歿亦如之

析產以已有推為祭田康熙志藝文篇宋生張芝園傳里中舊苦外幫聞

復

夫之累歲派千餘金茂枝首議詳免人食其德五山耆舊今集初

以舉人官巢縣全椒教諭舉職有聲巡撫將薦之朝旋登

康熙丙辰進士授內閣中書宋生傳歷官中秘朝野推崇燕

處時左右圖史揮塵談玄有道氣見人慈愛恭敬對三尺

童子不忍欺倪匡世詩最而其規過獎善不遺餘力五山耆舊今集引延

令獻徵錄茂枝嘗云學者讀書當實有裨於身心性命勿使人

徒以才士目之故生平詩文雖有成集不以付梓年七十

四卒宋生傳

張丕揚字北溟號木田茂枝子歲貢官內閣中書性孝友

祖有遺產悉推與兄五山耆舊今集與江都殷譽慶顧圖河交阮元

泰興縣志補卷五下

淮海英靈集新城王士禎嘗於圖河座間見其詩賞歎不置廣陵

詩事曰木田負奇氣不遇筮仕德不顯其感憤無聊侘傺不

平宜也而音響節簇之間粹然穆然非深有見於道而能

之與五山耆舊今集引王士禎語為序其集以為金石之聲芳蘭之韻

非撥拾長慶劔南者可比淮海英靈集

朱人特字軼凡康熙戊午舉人五山耆舊今集詩筆幽秀迴絕恆

蹊工琴嘗月夜取琴就松樹下彈有二鶴盤空長嘯聲與

琴絃相應曲終乃去五山耆舊今集引延令獻徵錄按此事縣志載志餘篇談逸

朱偉業字莘甫縣學生乾隆初任寶慶通判居官清約勤

於治事捕盜賊甚嚴役卒不敢少欺嘗曰詰姦禦暴通判

郡

所以佐治太守也敢以偷安溺職乎政暇輒手一編危坐

端誦未嘗見其一日曠業也湖南寶慶府志累遷鳳翔知府權漢

興道縣志

戴大章字堯聲官元城丞遷知咸寧歸隱東園以終縣志家

多藏書聊城楊以增得其宋本說文解字有綠柳橋西戴

大章印

楊紹和楹書隅錄 葉昌熾藏書紀事詩

張兆璠字奂璵號瑟若乾隆戊辰武進士廷試第一人及

第選侍衛授宜君參將遷甘肅中衛副將調永昌奉命屯

田托克遜督耕種葺城垣起倉廩荒漠之間成通市累遷

南昌總兵在官十四年訓練嚴明士馬伉壯暇日與壯士

泰興縣志補卷五下

四

大夫投壺賦詩調永固疾歸張氏家乘梁國治張總兵傳

縣志原無者三人

季公琦縣志公琦名字希韓號方石選貢五山耆舊今集填詞工

麗擅名江左黃九柳七未足擬鄧漢儀詩觀初集填詞工

談逸新城王士祿嘉善曹爾堪諸巨公在揚州皆極口以

騷雅之才推之鄧漢儀詩觀二集

李宗孔縣志孔名字書雲植曾孫順治丁亥進士康熙志選

表舉官給事在台垣先後疏四十餘上皆闕吏治民生每

同九卿奏事侃侃直言於同列不少阿附後請假歸御書

香山洛社額以寵異之王豫種竹軒餘話江蘇詩徵

李錦見縣志選舉表字天香宗孔子康熙丙辰進士官刑科給

事中康熙志選舉表風骨傲岸遇事敢言詩有子職久疏臣職曠

捫心深愧兩蹉跎句一經堂詩話

嘉慶以來列傳

縣志原有者八人

何大年字文疆號黃村事親能養志女兄早寡憫孤幼稚厚恤之教諸子以義方延名師授之學乾隆丙子歲稔倡捐輸振復出粟平糶有以田產來鬻者如直與之遠近稱焉性好讀書常手一編暇則蒔花種竹招朋舊清談或棋一局翛然塵外人也

何氏家乘季惇大黃村何公傳按傳云公生而穎異喜讀書弱冠補弟

泰興縣志補卷五下

子員人咸器重之既以親年就哀家計日繁又鮮兄弟無服勞者因循例貢成均左右奉養無少懈親素性濶達之居稍隘遂構爽垲龍材鳩工為軒為樓為燠室虛廊疊石蒔花供偃息以博親歡其養志也多類此有姊適黃早寡憫孤幼稚令與中表同居教育之入庠授室而後歸其友愛過人遠矣自念顯揚未遂而課子尤力延師家塾必求宿儒否則出遊若江寧陳令谿和鹿泉兩先生素稱宗工千里追隨頻年不懈故能致有成然獨不急于仕進嘗誠子曰難為世用所願汝之事有濟於世量而後進汝曹才難用善願汝之事有濟於世量而後進遺風且合於老泉所謂見微而知著者歟乾隆丙子歲飢疫流行設粥賑公董事倡捐復出粟減價糶之以田產售者如直與之遠近稱善謂克繩何氏義民祖德云公面皙容儀間雅平生不色不耽酒嗜音不惑於二氏巫覡雖輟舉業時手一編暇則藝蘭菊與二三朋舊茗清談澹謝絕世垢塵氛此外永日惟以一局棋消其襟懷恬澹又如姑卒年八十四配吾姊季氏勤寬和一與公同後先猶舅姑辭世哀毀骨立焉蓋靜好素篤故也年六疾不支猶為公媛老計納姬侍焉蓋靜好素篤故也年六

十先卒子三長汾食廩餼貢入太學精通於醫活者甚眾
有痧症書梓行次湘登賢書四上春官不第歸而陶淑後
進多所成就如素常嚴振先經魁潘人鳳選拔張人騏皆
門下士活其少子少瘠多病使學引導法得健遂知正骨
亦多全活是皆秉公教也女一適潘司鐸由庚亦籍扶掖
力孫六曾孫六在庠者並有聲孫女十一皆適名族余公
之內戚也故知之詳無溢辭如公之立身行己余既慕其
孝友慈仁本諸天性而又歎其沈靜有識迥出時流宜享
遐齡席豐盛而垂裕後昆於無窮也天道之福善豈不信哉

陳啟文字煥周號虹江乾隆己酉選貢廷試第一授工部

七品小京官乙卯學順天鄉試進主事歷員外郎郎中

陳啟

文退齋牘稿陳維彥府君行狀 事有涉戶工兩部者戶咨至啟文以為未

允白諸堂時總理戶部者方負盛勢無敢與爭啟文自以
所見獨達戶堂負盛勢者見之駭曰隔部一七品官耳敢

泰興縣志補卷五下

與吾抗是人風骨不凡也立更前議

退齋牘稿王鳳藻後跋按是事已載縣

志志餘篇談逸 其友武陵趙慎畛嘗謂都御史趙佑曰先生言今

人見利忘義者多如啟文者不但思義且不畏禍也佑曰

唯唯趙慎畛榆巢雜識 擢開歸許道建議修復賈魯河以睢州決

河去官既解任夜過河北渡口時教匪滋事遙望賊至或
謂君無守土責可去啟文曰賊渡則河南又擾矣乃盡逐
渡船起居民燃炬列陣而出身為之先賊遂遁巡撫河督
先後奏留辦賊防工明年議塞睢口當事欲更故道啟文
上言極論其害議遂寢陳維彥行狀 起官甘肅西寧道揭參西
寧皋蘭倉庫侵匿勘實革總督職戍伊犁餘坐罪有差隆

務寺與拉布楞寺尋畔不已啟文至兩量予處分各帖然服奉令會鞫東科爾寺呈控貴德廳同知某乾沒盜贓案臬司意存徇隱啟文移書十四通條舉疑義二十餘批卻導竅反覆詰難臬司辭窮不答啟文據實揭陳總督總督護前終不直啟文議啟文兩請青海辦事大臣轉奏遂以峻使欽使擅用驛傳為罪詔下刑部遣戍烏魯木齊先是西寧令李某審理縣民誣陷西商賈爾璧一案偏聽武斷啟文揭參李令罪狀並條列十二不可解六可怪朝旨以啟文素性固執特令仍留部獄勘質經部臣訊鞫得實案遂平反自總督藩臬知府以下懲罰有差李令遣戍軍台

泰興縣志補卷五下

七

至是啟文始得赴戍所

退齋牘稿卷上卷中公牘

赦歸西寧士民間

道至平番俟啟文過遮留數日乃行

陳維彥行狀

啟文在西寧

署吏梁廷灝者其父殺賊歿於陣母苦節啟文詢知家世

使歸讀書並周之遂補諸生啟文解官之省途次被逮廷

灝聞耗兼程及之偕宿西寺欲隨之出塞力辭乃歸及啟

文釋回廷灝先至平番候之流連旬日始別

退齋牘稿與梁生書注

方濬頤二知軒文存書梁生是事亦載縣志志餘篇談逸

按

啟文家居十餘年猶以

沙漲蘆田入官事遺書當道為民請命云

退齋牘稿上汪大司農書

行狀中所載啟文事實其已見縣志者從略

汪秉鍾

縣志附見技藝篇

宋毓采號松坪

冒廣生續五山耆舊集

高介絕俗

好古書畫精琴理詩有陶潛嵇康風味子春田工詩善鼓

琴王豫羣雅二集

姚功立縣志附見技藝篇字麓橋工詩畫書法瘦勁兼通六壬堪

輿家言卒於如臯道光如臯續志

陳潮字宗海號東之道光辛卯舉人生而穎異立志果銳學必精研而後止游京師大興徐松見而重之延課其子鉅公爭識其面由此知名當是時都下有十二才子之目潮其一也問音韻於吳伯盍盡其蘊奧唐李陽冰篆法晨興必作篆三百字尤精於許氏說文自二徐以及錢段諸人之同異靡不擘究凡經史箋疏諸子百家詩古文辭

泰興縣志補卷五下

口誦手披靡閒寒暑楊亮世澤堂文集陳東之家傳按此傳亦見繆荃孫續碑傳集

又以漢儒說經既重六經尤不能廢九數於是銳志算學晝夜不輟未數月而立天元一術及朱氏四元術皆能探

其原以是耗精太過積勞成疾卒於京邸羅士琳疇人補傳年三

十五一作三十三又作三十四松為殯殮其友甘泉楊亮歸喪於其家

楊亮家傳

何萱字石閭歲貢家貧食苦嘗客游如臯歲入館穀悉以購書積數千卷久之歸里屏棄舉業杜門潛擘遇後進必勸之學諄諄告以讀書途徑獨愛同里陳潮引為小友潮在京師多交通儒碩學因潮書武進李兆洛仁和龔自珍

寓

愛

邵陽魏源簡牘往還商量邃密尤精音韻之學以所撰韻史條例質於潮友吳伯盃云

何萱紅露山人集

吳存義字和甫休寧籍道光戊戌進士改庶吉士授編修督學雲南滇土囿方言不能辨四聲以李氏音鑑教之歲

月改觀

按縣志作旬

是時回民煽亂存義巡試永昌事竣出郭

數里望城中火光燭天詢左右曰回兵既期矣使者清德

不敢犯俟去而舉事也累官吏部侍郎督學浙江以病乞

歸

譚廷獻復堂類集吳公行狀按此狀亦見續碑傳集

卒予祭葬

同治朝東華錄

直南書

房時文宗見所著貂裘甚敝問之對曰臣自官翰林僅此

一襲服之廿餘年上笑頷之尋賜貂服攝府丞謝恩府丞

泰興縣志補卷五下

九

兼典試例入卷資千金上謂曰聊償汝在滇清苦也浙省

學租歲入數千悉捐於各郡建育嬰堂全活嬰媿無算今

滇浙兩省皆建祠祀之浙祠濱西湖歲鄉舉士子醵資尸

祝者數千人

許奉恩蘭茗館外史里乘

吳寶儉字禮園存義子博綜經史尤善文詩賦頌以郎中

改官同知一權荆門州事三筦權務姦豪斂迹商賈從之

如歸交督撫交章薦其廉能擢知府未竟其用而卒

朱銘盤桂

之華軒文集
吳寶儉墓志

縣志原無者三人

樊昭明居邑之王莊業醫不索報貧者投以貴藥亦不明

言一日北鄉蝗大起嚙禾人爭持竹驅入他境昭明止之
曰是以鄰國為壑也不可或吾鄉當被虫害耳隨禱八蜡
神蝗滅捐修明家河廟有記海曲拾遺 崇
川咫聞錄

翁樵字鋤經縣學生性伉爽為人排難解紛侃侃無阿比
俗好訟常以細故破家得樵一言而釋咸豐中粵匪蹂躪
江以南無完土陷賊者多逃江北或以為賊探被殲由泰
興各港入者好義之士厥粥絮衣噢咻之唯恐不至樵更
隨所業為謀生計務令得所江南北無不嘖嘖稱翁為善

士云龔坦爨餘
軒筆記

朱溶字月江居如臯生而穎異橐筆入京師復南游楚粵

泰興縣志補卷五下

二十餘年病歸工詩詞善書畫至老不倦同治如
臯續志

技藝

縣志原有者五人

曹岳字次岳號秋崖善山水師董其昌法疏秀淹潤峯嶺
多嵐氣北游最邀聲譽秀水朱彝尊新城王士禎皆稱之

性豪邁好獎譽同學以故名益重張庚畫徵錄 秦
祖永桐蔭論畫

季應召字蒲徵號蘊圃彭蘊璨畫史彙傳
引耕硯田齋筆記振宜子縣志畫貓

得神耕硯田齋筆記張壁上鼠見之宵遁海曲拾遺 崇
川咫聞錄

季堯堃以字行號雪江應召族子善花卉翎毛長於畫貓

畫史彙傳引馮金伯墨香居雜識 按
彙傳以堯堃為如臯人蓋沿馮氏之誤

角

褚章字木田少孤不及學而獨好畫殫思至忘寢食畫多

老樹巨竹珍禽奇石純用墨嘗入京有貴人客之而章性

傲與爭不讓貴人恚章遂舍而歸居城北趙氏庵閉門不

見一人終身不娶居數十年未嘗一至城市道光志略

陳達夫邑舊族美鬚髯貌偉岸聲如洪鐘善導引工技擊

以拳勇槍法聞於太乙壬遁九宮風骨無不精驗焦循離菴樓集

縣志原無者一人

季全仁字由禮暮年行益高精研三易貫通河洛苞符指

所過墓田配列卦象言之吉凶不爽年九十三而終先是

全仁自卜一地曰是應玄武之宿及下窆有騰蛇飛出崇川

泰興縣志補卷五下

十一

咫聞錄

僑寓

縣志原無者一人

清陳維崧字其年宜興人順康閒客如臯依冒襄讀書水

繪庵十年嘗再至泰縣訪季振宜寓居廣福寺陳維崧湖海樓詩集

方外

縣志原有者二人

梁法嚮縣志嚮作響附見海陵葛岡人續高僧傳年十六出家

於今廣福寺靖江志寺後有池相傳為法嚮洗鉢處縣志按縣志

及靖江志說誤語詳縣志校篇依攝山栖霞寺恭禪師於寺側立法華堂

恭入京法嚮還江北海陵寧海二縣各延供養隋末居海陵天寧寺晝卧驚火發者三度知李子通兵起將破縣城燒寺也遂東還寧海縣境有虎傷害日數十人乃設禳災大齋諸虎大集以杖叩頭為說法於是相隨遠去

續高僧傳 輿

地紀勝

將往天台過江留江陰定山寺已又還海陵鹽亭百

姓留之有小孤山出地百仞四面無草木於前立正見寺

處之

按即輿地紀勝之伏虎寺亦即萬麻志之伏虎禪師殿也

唐貞觀四年冬謂門人

曰吾與汝別遂終於寺

續高僧傳

清德溥

縣志附見建置志名蹟篇

字百泉一字雲慶住慶雲寺

孫翔崇川詩集

詩筆清拔讀史詩以禪理出入志傳尤獨出機杼

淮海英靈集

泰興縣志補卷五下

崇川咫聞錄

縣志原無者一人

清佛齡字會昌幼學儒博涉經典年十八出家靖江永甸

庵去而歷揚州諸寺院渡江游蘇州之虎邱東至浙江謁

迦陵得傳燈真諦北抵京師名公卿多與之締交南旋仍

駐錫蘇州乾隆庚申靖人延主永甸法席

靖江縣志

